

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju poštivanja ljudskih prava i sloboda povratnika i podrške njihovom pravu na imovinu u 2022. godini, Federalno ministarstvo raseljenih osoba i izbjeglica raspisuje

J a v n i p o z i v
za učešće u programu pružanja besplatne pravne pomoći manjinskim povratnicima na područje bh. entiteta Republika Srpska u oblasti zaštite prava na rad, prava na imovinu i prava na odbranu u krivičnom postupku za navodne ratne zločine tokom rata u Bosni i Hercegovini u periodu 1992. – 1995. godina

I

Svrha Javnog poziva

Javni poziv se objavljuje u svrhu prikupljanja prijave fizičkih lica – manjinskih povratnika ili članova povratničkih domaćinstava na područje bh. entiteta Republika Srpska, zainteresovanih za besplatnu pravnu pomoć u oblasti zaštite prava na rad po osnovu prestanka radnog odnosa zbog ratnog stanja, prava na imovinu i prava na odbranu u krivičnom postupku za navodne ratne zločine tokom rata u Bosni i Hercegovini u periodu 1992. – 1995. godine, te finansijska podrška izabranim korisnicima u zaštiti njihovih ljudskih prava.

II

Cilj programa

Cilj programa je da se pruži besplatna pravna pomoć manjinskim povratnicima sa područja bh. entiteta Republika Srpska u oblasti zaštite prava na rad po osnovu prestanka radnog odnosa zbog ratnog stanja, prava na imovinu i prava na odbranu u krivičnom postupku za navodne ratne zločine tokom rata u Bosni i Hercegovini u periodu 1992. – 1995. godine.

Na taj način će se doprinijeti sigurnom povratku manjinskih povratnika kroz vladavinu prava i zaštitu njihovih radnih prava, imovinskih prava i odbrane u krivičnom postupku za navodne ratne zločine.

III

Iznos sredstava za finansiranje besplatne pravne pomoći

(1) Ministarstvo će sa aplikantima koji budu ispunjavali uslove ovog Javnog poziva i koji budu izabrani za korisnike potpisati Ugovor o pružanju besplatne pravne pomoći u oblasti zaštite radnih prava, prava na imovinu ili odbrane u krivičnom postupku za navodne ratne zločine tokom rata u Bosni i Hercegovini u periodu 1992. – 1995. godine, kojim će se definisati da će Ministarstvo finansirati pružanje pravne pomoći korisnicima putem advokatskih ureda koji će biti izabrani kao pružaoci usluga pravne pomoći putem posebnih procedura. Korisnici besplatne pravne pomoći neće moći dobiti finansijska sredstva već uslugu pravne pomoći, od strane izabranih advokatskih ureda, a što će finansirati Ministarstvo.

(2) Odobreni iznos finansijskih sredstava po jednom korisniku besplatne pravne pomoći ne može biti veći od 5.000,00 KM. Realizacija finansijskih sredstava će se vršiti prema odabranim advokatskim uredima po izvršenim uslugama pravne pomoći.

(3) Ukupan budžet za namjene ovog Javnog poziva je do 250.000,00 KM.

IV

Pravo na prijavu na Javni poziv imaju kandidati koji ispunjavaju slijedeće kriterije:

1. da su manjinski povratnici ili članovi povratničkih domaćinstava u bh. entitet Republika Srpska;
2. da im:
 - u upravnom ili sudskom postupku na području bh. entiteta Republika Srpska povrijeđeno pravo na imovinu po osnovu izlaganja nekretnina u skladu sa Zakonom o premjeru i katastru Republike Srpske ("Službeni glasnik RS", broj: 6/12, 110/16, 22/18 - odluka Ustavnog suda, 62/18 i 95/19 - odluka Ustavnog suda) - *dokazuje se pravosnažnim rješenjem Republičke uprave za geodetske i imovinsko-pravne poslove Republike Srpske ili pravosnažnim rješenjem osnovnog ili okružnog suda u vezi imovine ili upravnog spora;*
 - u upravnom ili sudskom postupku na području bh. entiteta Republika Srpska povrijeđeno pravo na rad po osnovu prestanka radnog odnosa zbog ratnog stanja i prava koja proizilaze iz rada do proglašenja ratnog stanja - *dokazuje se odgovarajućim upravnim ili sudskim aktom (zaključak, rješenje, odluka, presuda) koji su vezani za radnopravni status po osnovu rada do proglašenja ratnog stanja;*
 - po osnovu zahtjeva nadležnih organa bh. entiteta Republika Srpska ili grada ili opštine iz tog entiteta, radi odlučivanja o imovini povratnika, se vodi upravni ili sudski postupak – *dokazuje se odgovarajućim upravnim ili sudskim aktima;*
 - se vrši krivični progon za navodne ratne zločine tokom rata u Bosni i Hercegovini u periodu 1992. – 1995. godine – *dokazuje se pozivom na informativni razgovor izdat od strane nadležne policijske stanice MUP-a RS, naredbom o pokretanju istrage izdate od strane nadležnog okružnog tužilaštva, optužnicom potvrđenom od nadležnog suda i slično.*

V

Vremenski period na koji se raspisuje Javni poziv

Ovaj Javni poziv se raspisuje na period od 15 dana od dana objavljivanja u dnevnim novinama i internet stranici Ministarstva.

VI

Prijava na Javni poziv treba obavezno da sadrži slijedeće dokumente:

1. Čitko popunjenu i potpisanu prijavu na Javni poziv, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića 2. Sarajevo;
2. Ovjerenu kopiju lične karte;

3. Originalno uvjerenje/obavještenje o prebivalištu (CIPS), ne starije od 30 dana izdato u općini povratka;
4. Uvjerenje/potvrdu o ostvarenom povratku sa naznakom godine povratka (izdato od nadležnog organa, original ili ovjerena fotokopija) ili izjava da je aplikant povratnik ovjerena od strane nadležnog organa u opštini povratka;
5. Posjedovni list izdat od strane nadležnog organa u opštini povratka i/ili ZK izvadak izdat od strane Republičke uprave za geodetske i imovinsko-pravne poslove Republike Srpske, za nepokretnu imovinu za koji postoji spor odnosno koja je predmet javnog izlaganja nekretnina (original ili ovjerena kopija) – samo ako se zahtjeva besplatna pravna pomoć za zaštitu prava na imovinu;
6. Ovjerena kopija Poziva na informativni razgovor ili ovjerena kopija Naredbe o pokretanju istrage ili ovjerena kopija optužnice – samo ukoliko se zahtjeva besplatna pravna pomoć za zaštitu od nezakonitog krivičnog gonjenja.
7. Druga relevantna dokumentacija na osnovu koje se utvrđuje ugroženost prava na rad, prava na imovinu i krivični postupak.

VI

Rok za prijave

Rok za prijave na javni poziv je 15 dana od dana objavljivanja u dnevnim novinama i internet stranici Ministarstva.

Nepotpune i neblagovremene prijave neće se uzimati u razmatranje.

Prijave sa svim traženim dokumentima dostaviti lično ili poštom preporučeno, sa naznakom "Prijava na Javni poziv za pružanje besplatne pravne pomoći" na adresu:

**Federalno ministarstvo raseljenih osoba i izbjeglica
Hamdije Čemerlića 2
71000 Sarajevo**

(Na poleđini koverta navesti naziv/ime i prezime podnosioca, tačnu adresu i kontakt telefon)

Broj: 05- /22
Sarajevo, 17.10.2022.godine

MINISTAR

dr. sci. Edin Ramić